

Izvještaj o radu Uprave policije MUP-a Kantona Sarajevo za 2011.godinu

Uprava policije ministarstva unutrašnjih poslova Kantona Sarajevo je tokom 2011. godine realizovala poslove i zadatke iz svoje nadležnosti. Prevencija u oblasti kriminaliteta, javnog reda i mira, te saobraćaja bili su prioritetni poslovi i zadaci, a operativne aktivnosti policije na otkrivanju krivičnih djela i njihovih izvršilaca, počinitelja prekršaja iz oblasti javnog reda i mira, kao i mjere u domenu kontrole i regulisanja saobraćaja bili su poslovi i zadaci koji su se provodili kontinuirano.

OPĆI STATISTIČKI PRIKAZ KRIMINALITETA

Posmatrano kroz statističke pokazatelje, u toku 2011. godine u odnosu na 2010. godinu došlo je do smanjenja broja prijavljenih krivičnih djela djela za 3,6%, dok je povećan broj prijavljenih lica za 5,3%, maloljetnih izvršilaca za 48,4%, povratnika u činjenju krivičnih djela za 0,7% i lica lišenih slobode za 16,1%.

U 2011. godini, registrovano je 7.185 krivičnih djela, što je za 269 djela ili 3,6% manje u odnosu na prethodnu godinu.

U 2.014 slučajeva (28% od ukupnog broja krivičnih djela), krivična djela su izvršena od strane poznatih izvršilaca, a 5.171 krivično djelo (ili 72%), prijavljeno je po nepoznatom izvršiocu, od kojih su za 2.465 naknadno identifikovani počinioci (ili 47,7% od ukupnog broja prijavljenih djela po nepoznatom izvršiocu).

Iz naprijed navedenog proizilazi da je u toku 2011. godine, za ukupno 4.479 krivičnih djela identifikovan osumnjičeni počinitelj ili 62,3% (za 0,7% manje)

U 2011. godini nadležnim tužilaštvima podneseno je ukupno 7.089 službenih izvještaja (286 manje) protiv 3.577 lica, od kojih su 2.352 povratnika (ili 65,7% prijavljenih), a 1.539 lica je lišeno slobode (ili 43%).

Među prijavljenim licima, 35 je stranih državljana (isti broj) i 15 lica sa područja RS-a (sedam manje).

U odnosu na prethodnu godinu, povećan je broj prijavljenih lica, za 179 (ili 5,3%), povratnika za 17 (ili 0,7%) i lica lišenih slobode za 214 (ili 16,1%).

U toku 2011. godine za ukupno 1.965 službenih izvještaja, od strane Kantonalnog tužilaštva, donesena je naredba o obustavi i neprovođenju istrage (121 ili 5,8% manje).

u 2011/10. godini prema glavama Krivičnog zakona FBiH-a i BiH-a

KRIVIČNA DJELA	2011. godina	2010. godina	uporedba		„rasvijetljenost“ u 2011. godini	
			+ / -	%	broj KD	%
Protiv ustavnog poretka Federacije	4	0	4	---	3	75%
Protiv života i tijela	197	174	23	13,2%	184	93,4%
Protiv slobode i prava čovjeka i građanina	244	252	-8	-3,2%	239	98%
Protiv spolne slobode i morala	26	23	3	13%	24	92,3%
Protiv braka, porodice i mladeži	222	258	-36	-14%	222	100%
Protiv zdravlja ljudi	255	187	68	36,4%	255	100%
Protiv privrede, poslov. i sigurnosti platnog prometa	15	10	5	50%	15	100%
Iz oblasti poreza	0	1	-1	---	0	---
Protiv imovine	5.455	5.821	-366	-6,3%	2.839	52%
Protiv okoliša, poljoprivrede i prirodnih dobara	9	11	-2	-18,2%	4	44,4%
Protiv opće sigurnosti ljudi i imovine	151	127	24	18,9%	95	62,9%
Protiv sigurnosti javnog prometa	84	68	16	23,5%	84	100%
Protiv pravosuđa	27	30	-3	-10%	32 ¹	118,5%
Protiv javnog reda i pravnog prometa	354	366	-12	-3,3%	342	96,6%
Protiv podmićivanja i krivična djela protiv službene...	18	18	0	ISTO	18	100%
Protiv sistema elektronske obrade podataka	1	1	0	ISTO	0	0%
Protiv privrede i jedinstva tržišta te KD... (KZBiH)	4	14	-10	-71,4%	4	100%
Protiv slobode i prava čovjeka i građanina (KZBiH)	0	1	-1	---	0	---
ZOSNINPNSP-a Zakon o sprečavanju nasilja i nedoličnog ponašanja na sportskim priredbama (Sl.novine KS br.7/07)	0	2	-2	---	0	---
ZONDINOM-a Zakon o nabavljanju, držanju i nošenju oružja i municije (Sl.novine Kantona Sarajevo br.38/07)	119	90	29	32,2%	119	100%
UKUPNO	7.185	7.454	-269	-3,6%	4.479	62,3%

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom 2011. godine prijavljeno je 197 krivičnih djela protiv života i tijela (23 više u odnosu na 2010. godinu) od kojih je za 184 ili 93,4% poznat učinilac.

Zbog postojanja osnova sumnje da su počinili djela iz ove oblasti podneseni su službeni izvještaji protiv 262 lica (55 više), a 112 je lišeno slobode (42 više).

Evidentirana su slijedeća krivična djela: - ubistvo iz člana 166. KZFBiH-a – četiri djela (u uporednom periodu registrovana su dva ubistva i jedno djelo ubistvo na mah iz člana 167. KZ FBiH-a), ubistvo u pokušaju – 19 djela (četiri više), teška tjelesna ozljeda – 109 (27 više), lahka tjelesna ozljeda – 54 (osam manje) i učestvovanja u tuči – 11 djela (jedno više).

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 244 djela (osam manje) i to: ugrožavanje sigurnosti – 233 djela, protupravno lišenje slobode – šest, narušavanje nepovredivosti doma – četiri i otmica – jedno djelo. Zbog izvršenja navedenih djela prijavljeno je 220 lica od kojih su 123 povratnika u činjenju krivičnih djela (ili 55,9%), a 55 je lišeno slobode. Sva djela ugrožavanja sigurnosti počinjena su upućivanjem verbalnih prijetnji koje su izazvale uznemirenje oštećenih.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala prijavljeno je 26 djela (tri više) i to: bludne radnje – 12 djela, silovanje – sedam, iskorištavanje djeteta ili maloljetnika radi pornografije – tri, silovanje u pokušaju i zadovoljenje pohote pred djetetom ili maloljetnikom – po dva djela. Za izvršenje djela iz ove oblasti prijavljeno je 26 lica, koja su uz službene izvještaje predata nadležnom tužilaštvu.

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovana su 222 krivična djela (36 manje) i to: nasilje u porodici – 221 i oduzimanje djeteta ili maloljetnika – jedno djelo. Službeni izvještaji podneseni su protiv 225 lica od kojih su 122 lišena slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi prijavljeno je 255 krivičnih djela (68 više) i to:

- neovlašćena proizvodnja i stavljanje u promet opojnih droga – 48 djela (22 više) i
- posjedovanje i omogućavanje uživanja opojnih droga – 207 djela (47 više).

Zbog postojanja osnovna sumnje da su ih počinili podneseni su službeni izvještaji protiv 279 lica (85 više), od kojih je 181 povratnik ili 65,6%, a 116 je lišeno slobode (19 više).

Po nalogu tužilaca Kantonalnog tužilaštva Kantona Sarajevo podneseno je 211 zahtjeva (37 manje) za vještačenje nepoznate materije koja asocira na drogu. Takođe s ciljem pronalaženja narkotičkih sredstava izvršen je pregled 135 lica (14 manje), 68 stambenih objekata (11 manje) i većeg broja automobila po usmenim naredbama Opštinskog suda u Sarajevu.

VRSTA OPOJNE DROGE	2011.GODINA	2010. GODINA
Marihuana (u gramima)	67.365,00	15.231,993
Marihuana (paketići)	447	218
Marihuana (JOINT - cigarete)	18	25
Heroin (paketići)	40	69
Heroin (u gramima)	2.785,00	6.715,652
Amfetamin (paketići)	158	89
Amfetamin (u gramima)	3.982,00	98,976
Cannabis (stabljike)	24	56
Cannabis (sjemenke)	---	675
Kokain (u gramima)	35	132,861
Kokain (paketići)	26	5
Ecstasy (tablete)	28	102,5
Metadon (solucija)	---	2-3 ml
Mix masa za Heroin (u gramima)	6.000,00	40.220,66
Kreatin za miksanje sa drogom (u gramima)	---	523,332
vaga sa tragovima droge (komada)	9	---
Pribor sa ostacima droge (komada)	61	79

U 2011. godini pripadnici Uprave policije sproveli su niz efikasnih akcija na presijecanju "lanaca" trgovine opojnim drogama, u kojim su zaplijenili veće količine opojnih droga (Marihuana - 67,365 kg, Heroin - 2,785 kg, Amfetamin – 3,982 kg, itd.) i identifikovana i slobode lišena 72 lica (iz člana 238. KZ FBiH-a – neovlašćena proizvodnja i stavljanje u promet opojnih droga).

KRIVIČNA DJELA PROTIV PRIVREDE, POSLOVANJA I SIGURNOSTI PLATNOG PROMETA

Iz oblasti krivičnih djela protiv „privrede“ prijavljeno je 15 djela (pet više) i to obmana pri dobijanju kredita ili drugih pogodnosti – devet, krivotvorenje znakova za obilježavanje roba mjera i utega – četiri djela, prijevara u privrednom poslovanju i nedozvoljeno bavljenje bankarskom djelatnošću – po jedno djelo, za čije izvršenje je prijavljeno 16 lica.

Takođe, izvršenjem krivičnih djela iz ove oblasti i krivičnih djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to: krivotvorenje isprave – 16 djela, prijevara – devet, nesavjestan rad u službi – šest, krivotvorenje novca – četiri, zloupotreba položaja ili ovlaštenja – tri , itd., a koja su prijavljena i kompletirana tokom 2011. godine, od strane Odjeljenja za privredni kriminal, nastupila je materijalna šteta u ukupnom iznosu od 474.071,00 KM, 40.085,42 USD i 30.000,00 €.

KRIVIČNA DJELA PROTIV IMOVINE

U ovoj oblasti registrovano je 5.455 djela što je za 366 ili 6,3% manje. Broj krivičnih djela iz ove oblasti čini 75,9% ukupnog kriminaliteta što predstavlja smanjenje u odnosu na 2010. godinu za 2,2%, kada su „imovinski delikti“ činili 78,1% ukupnog kriminaliteta. Najbrojnija djela iz ove oblasti su: teške krađe – 3.653 (235 manje), krađe – 774 (29 manje), teška krađa u pokušaju –116 (50 manje), razbojništvo – 442 (13 manje),

oštećenje tuđe stvari – 196 (sedam manje), prijevara – 75 (14 manje), utaja – 50 (13 manje), iznuda - 14 (17 manje), itd.

Za ukupno 2.839 djela ili 52% identifikovan je osumnjičeni počinitelj, što je u odnosu na prethodnu godinu, smanjenje za 1,8%.

Objekti vršenja krivičnih djela protiv imovine najčešće su bili stambeni objekti –1.403 puta (203 više), zatim slijede motorna vozila (otuđenja vozila i „provale“ u ista) – 1.165 (605 manje), poslovni prostori i prodavnice – 731 (138 više), ulica – 294 (36 više), itd., pri čemu je otuđivan novac, motorna vozila, tehnička roba, zlatni nakit, auto-dijelovi, cigarete, prehrambeni proizvodi, itd.

Tokom 2011. godine na području Kantona Sarajevo izvršeno je 557 krivičnih djela teških krađa motornih vozila, od čega je 169 ili 30,3% vraćeno. Od strane policije MUP Kantona Sarajevo vraćeno je 58 vozila, MUP RS-a – 26, drugih MUP-ova – 14, uz novčanu nadoknadu - devet, a 62 vozila vlasnici su sami pronašli.

U odnosu na uporedni period broj otuđenih vozila, značajno je smanjen i to za 318 vozila ili 36,3%.

Službenici policije su u 2011. godini, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv 89 lica (37 manje), a zbog postojanja osnova sumnje da su počinili krivično djelo iznude novca za otkup ukradenih vozila podneseni su službeni izvještaj protiv devet lica (23 manje).

Zbog postojanja osnova sumnje da su počinili ukupno 468 krivičnih djela razbojništva, razbojničke krađe i pokušaj istih službenici policije su Kantonalnom tužilaštvu podnijeli službene izvještaje protiv ukupno 178 lica (10 više) od kojih je 137 povratnika u vršenju krivičnih djela (ili 77%), a 116 je lišeno slobode (13 više).

Razbojništva i razbojničke krađe su najčešće činjena na ulici, u prodavnicama, sportskim kladionicama, a predmeti otuđenja su uglavnom bili mobiteli, novac, nakit, tašne, itd. Prema načinu izvršenja, najveći broj razbojništava i razbojničkih krađa izvršen je prijetnjom upotrebe noža, zatim prijetnjom pištoljem i upotrebom fizičke snage.

Za ukupno 216 ovih djela ili 46,2% identifikovan je osumnjičeni počinitelj što je za 2,1% manje.

Nasilno oduzimanje mobitela i nakita direktno se odražava i na broj teških krađa na naročito opasan ili naročito drzak način. U ovom periodu evidentirano je 425 djela ove vrste (24 više), od čega je za 264 ili 62,1% poznat učinilac, što je 3,7% više u odnosu na prethodnu godinu. Za izvršenje ovih oblika teških krađa, prijavljeno je 127 lica, od kojih je 108 povratnika (ili 85%), a 64 su lišena slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 151 djelo (24 više) i to: izazivanje opće opasnosti – 136 djela, nesavjesno čuvanje pasa i drugih opasnih životinja – devet, teška djela protiv opće sigurnosti ljudi i imovine – pet djela i izazivanje opće opasnosti u pomaganju – jedno djelo.

Krivična djela izazivanja opće opasnosti izvršena su na otvorenom prostoru – 111 puta, u stambenim objektima – 11, ugostiteljskim – pet, poslovnim prostorima - četiri puta, te u prostorijama policijske stanice, škole, u tramvaju, garaži i štali – po jednom. U 30 slučajeva

aktivirana je nepoznata eksplozivna naprava, 54 puta je pucano iz vatrenog oružja, 46 puta je otvorenim plamenom izazvan požar, itd. Posljedica izvršenja navedenih djela je ranjavanje 11 lica i nastala materijalna šteta.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 88 lica, od čega je 68 povratnika (ili 77,3%), a 62 su lišena slobode.

Za ukupno 84 djela izazivanja opće opasnosti ili 61,7% identifikovani su osumnjičeni počiniooci (5,9% manje).

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 354 krivična djela (12 manje) i to: nasilničko ponašanje - 172 djela, krivotvorenje isprave – 55, nedozvoljeno držanje oružja ili eksplozivnih materija – 55, napad na službenu osobu u vršenju poslova sigurnosti – 29, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 445 lica, od kojih je 268 povratnika (ili 60%), a 193 su lišena slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku 2011. godine maloljetna lica su učestvovala u izvršenju **490 krivičnih djela** (63 ili 14,8% više u odnosu na 2010. godinu). Za izvršenje ovih djela prijavljeno je **239 maloljetnika** (78 ili 48,4% više). Među prijavljenim maloljetnim izvršiocima, 33 je djece do 14 godina, 116 je u dobi između 14 i 16 godina, a 90 su u dobi između 16 i 18 godina.

Pregled broja maloljetnih izvršilaca krivičnih djela prema starosnoj strukturi
u 2011. godini

Starosna dob maloljetnika	do 14 g	14 -16	16-18	ukupno
Broj maloljetnih izvršilaca	33	116	90	239

U protekloj godini 153 maloljetnika prijavljena su prvi put, a **86 je povratnika u izvršenju krivičnih djela** (ili 36%).

Podaci sa kojima raspolažemo ukazuju na raznolikost krivičnih djela u čijem izvršenju su učestvovali maloljetnici: od ubistva u pokušaju do krađe metalnih kolica za prevoz robe u supermarketu.

Ipak, **najbrojnija su krivična djela protiv imovine- 383** (ili 78,2%). Među djelima protiv imovine prevladavaju **teške krađe- ukupno 148** djela, zatim, „**drske**“ **krađe- 70, razbojništva-64, te krađe-57** djela. U odnosu na 2010. godinu, znatno je povećan broj krivičnih djela krađa (za 39 ili 216,7%), te „**drskih**“ krađa (za 25 ili 55,6%), dok je istovremeno smanjen broj razbojništava (za šest ili 8,6%), kao i teških krađa (za 12 ili 7,5%).

Razbojništva (64 djela) i „**drske**“ krađe (70 djela) izvršena su na sljedeći način:

- Prijetnja pištoljem/vatrenim oružjem-**11** (u jednom slučaju plastični pištolj);
- Prijetnja nožem/čakijom-**37**;
- Otimanje iz ruke (mobitel) ili trganje sa vrata (lančić/ogrlica)-**37**;
- Ozbiljne verbalne prijetnje-**21**;

- Prijetnja šarafcigerom, metalnom šipkom i nepoznatim predmetom-**11**;
- Presjecanje elektro-kablova sjekirom (na željezničkom mostu)-**7**;
- Fizički napad-**7** i
- Posjekotina nožem-**3**

Iz oblasti **protiv života i tijela** izvršeno je **29** djela od strane maloljetnih lica (13 ili 81,3% više u odnosu na 2010. godinu), a radi se o ubistvu u pokušaju (dva djela), nanošenju teške tjelesne povrede (17 djela), nanošenju lahke tjelesne povrede (osam djela) i učestvovanju u tuči (dva djela). U odnosu na 2010. godinu, broj ubistava u pokušaju povećan je za jedan, teških tjelesnih povreda za osam, lakih tjelesnih povreda za tri i učestvovanja u tuči za jedan.

Zbog krivičnog djela **nasilničkog ponašanja** podnesen je **21** službeni izvještaj (osam ili 61,5% više u odnosu na 2010. godinu) , a zbog **izazivanja opće opasnosti** podneseno je **10** službenih izvještaja (dva ili 25% više).

U protekloj godini podneseni su službeni izvještaji nadležnom tužilaštvu protiv 11 maloljetnih lica zbog krivičnog djela posjedovanja opojne droge (dva manje u odnosu na 2010. godinu), a protiv 17 maloljetnika podneseni su službeni izvještaji zbog krivičnog djela ugrožavanja sigurnosti (povećanje za devet ili 112,5%).

Pregled registrovanih krivičnih djela izvršenih od strane maloljetnih lica
u toku 2011./2010. godine

Naziv krivičnog djela	2011. godina	2010. godina.	Uporedba
Izazivanje narod., rasne i vjerske mržnje, razdora ili netrpe.	1	0	+1
Ubistvo u pokušaju	2	1	+1 ili 100%
Teška tjelesna povreda	17	9	+8 ili 88,9%
Lahka tjelesna povreda	8	5	+3 ili 60%
Učestvovanje u tuči	2	1	+1 ili 100%
Ugrožavanje sigurnosti	17	8	+9 ili 112,5%
Bludne radnje	1	1	0
Iskorištavanje djeteta ili maloljetnika radi pornografije	2	0	+2
Nasilje u porodici	5	5	0
Neovlaš. proizvod. i stav. u promet opojnih droga	1	2	-1 ili -50%
Posjedov. i omoguć. uživanja opoj. droga	11	13	-2 ili -15,4%
Krađa	57	18	+39 ili 216,7%
Krađa-pokušaj	0	1	-1 ili -100%
Teška krađa	148	160	-12 ili -7,5%
Teška krađa-pokušaj	17	26	-9 ili -34,6%
Teška krađa na naročito drzak i opasan način („drska“k.)	70	45	+25 ili 55,6%
„Drska“ krađa-saučiniteljstvo i pomaganje	3	0	+3
Razbojništvo	64	70	-6 ili -8,6%
Razbojništvo- pokušaj	5	5	0
Razbojništvo-pomaganje	1	0	+1
Oštećenje tuđe stvari	14	13	0
Utaja	2	2	0
Iznuda	0	1	-1 ili -100%
Prijevarena	0	1	-1 ili -100%
Pripremanje krivičnog djela	0	1	-1 ili -100%
Prikrivanje	1	0	+1
Paljevina	1	4	-3 ili -75%
Mučenje i ubijanje životinje	0	1	-1 ili -100%
Izazivanje opće opasnosti	10	8	+2 ili 25%

Pomoć učinitelju poslije učinjenog krivičnog djela	1	0	+1
Napad na sl. osobu u vršenju poslova sigurnosti	0	2	-2 ili -100%
Nasilničko ponašanje	21	13	+8 ili 61,5%
Nedozvoljeno držanje oružja i eksp. materija	0	3	-3 ili -100%
Nedozv.držanje oružja i eksp. materija-pomaganje	0	1	-1 ili -100%
Krivotvorenje isprave	2	0	+2
Sprečavanje dokazivanja	0	1	-1 ili -100%
Povreda mira pokojnika	2	0	+2
Krivotvorenje novca (čl.205 KZ BiH)	0	3	-3 ili -100%
ZONDINOM (čl. 52)	4	3	+1 ili 33,3%
ukupno	490	427	+63 ili 14,8%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku 2011. godine registrovana su 33 slučaja aktiviranja minsko-eksplozivnih sredstava (15 ili 83,3% više u odnosu na 2010. godinu). U jednom slučaju je aktiviranjem eksplozivne naprave izvršeno samoubistvo, a u drugom slučaju je prilikom čišćenja kruga firme i sagorijevanja otpada, povrijeđeno jedno lice. U ostalim slučajevima koji su namjerno izazvani (31 eksplozija), nastupila je materijalna šteta na stambenim i poslovnim objektima i na putničkim vozilima. Eksplozije su se dogodile na području općina: Novi Grad -10, Novo Sarajevo- 10, Stari Grad- 6, Centar- 4, Ilidža, Vogošća i Ilijaš-po jedna. U devet slučajeva namjernog aktiviranja minsko-eksplozivnih sredstava izvršiooci su identifikovani i protiv njih su preduzete zakonske mjere, a prema dosadašnjim saznanjima, postoje indicije da su tri slučaja aktiviranja eksplozivnih sredstava na području općina Novi Grad i Novo Sarajevo posljedica međusobnog sukobljavanja nekolicine lica.

U protekloj godini prijavljena su dva slučaja bacanja flaše sa zapaljivom materijom- na vrata ugostiteljskog objekta i na ulicu (nije došlo do zapaljenja) i bacanja ručne bombe na ulicu (nije aktivirana).

Službenici policije su izvršili uviđaj u naselju Pofalići, općina Novo Sarajevo, gdje je pronađena neeksplozivna avionska bomba. Tom prilikom utvrđeno je da je navedena bomba dovezena, najvjerojatnije 19.septembra.2011. godine od strane autoprevoznika koji je dovezao zemlju na nasip privatnog posjeda.

U toku 2011. godine registrovano je 50 anonimnih dojava o postavljenoj eksplozivnoj napravi (31 ili 163,2% više u odnosu na 2010. godinu) od kojih se većina odnosila na srednje škole na području Kantona Sarajevo. Nakon izvršenog KDZ pregleda utvrđeno je da su dojave bile lažne. U 12 slučajeva izvršiooci su identifikovani, a među njima je sedam maloljetnika.

POŽARI

U toku 2011. godine, na području Kantona Sarajevo registrovano je 157 požara (dva manje), u kojima je jedno lice poginulo, a pet lica povrijeđeno. Požari su registrovani na području općina: Novi Grad -37, Stari Grad - 30, Novo Sarajevo - 21, Vogošća - 17, Centar - 16, Hadžići -15, Ilidža - 12, Ilijaš - šest i Trnovo- tri požara. Prema statističkim pokazateljima, 69 požara je izazvano namjerno, 29 je prouzrokovano zbog

tehničkih nedostataka, 11 nehatom, dok uzrok 48 požara spada u kategoriju ostalih. Zbog izazivanja požara, nadležnom tužilaštvu su podnesena 53 službena izvještaja: 46 iz člana 323 KZ FBiH (izazivanje opće opasnosti) i sedam iz člana 301 KZ FBiH (paljevina).

SAMOUBISTVA

U 2011. godini na području Kantona Sarajevo registrovano je 35 samoubistava (18 ili 34% manje), počinjena od strane 24 muškarca i 11 žena i to na slijedeće načine: vješanjem – 13 puta, skakanjem sa visine – devet, upotrebom vatrenog oružja – sedam, trovanjem – pet puta i aktiviranjem ručne bombe - jednom.

Prema dobi, izvršioци su tri lica u dobi do 20 godina, devet u dobi od 20 do 50 godina i 23 lica u dobi preko 50 godina.

JAVNI RED I MIR

Zbog raznih oblika narušavanja javnog reda i mira službenici policije su u protekloj godini podnijeli ukupno **6734 prekršajna naloga i zahtjeva** za pokretanje prekršajnog postupka (**naloga-4421, zahtjeva-2313**), što u odnosu na 2010. godinu predstavlja smanjenje za 108 ili 1,6%. Prekršajne sankcije preduzete su protiv 7370 lica (109 ili 1,5% manje). Od ukupnog broja prekršajnih naloga i zahtjeva, 6088 ili 90,4% odnosi se na prekršaje utvrđene Zakonom o prekršajima protiv javnog reda i mira, a 646 ili 9,6% na prekršaje utvrđene Odlukom općinskih vijeća o javnom redu i miru i drugim prekršajima. Službenici policije MUP-a Kantona Sarajevo su i u protekloj godini preduzimali preventivne i represivne aktivnosti u cilju održavanja povoljnog stanja javnog reda i mira, s čim u vezi su vršeni obilasci ugostiteljskih objekata, preduzimane aktivnosti na sprečavanju neovlaštene ulične prodaje kupona za gradski prevoz, na zaštiti putnika i osoblja preduzeća KJKP GRAS, na sprečavanju i sankcionisanju prekršaja koji se čine prosjačenjem i dr.

Od ukupnog broja podnesenih naloga i zahtjeva, 680 ili 10,1% se odnosi na lica koja su i ranije činila prekršaje (povratnici), 205 ili 3% na maloljetna lica i 11 ili 0,2% na strane državljane.

S obzirom na starosnu strukturu lica protiv kojih su u protekloj godini uručeni prekršajni nalozi i podneseni zahtjevi za pokretanje prekršajnog postupka (ukupno 7370), najveći broj je onih starosne dobi preko 36 godina (3689), zatim starosti između 26 i 35 godina (2101) i između 19 i 25 godina (1355), te maloljetnih lica (225), koja su prekršaje činila uglavnom tučom i naročito drskim ponašanjem.

Prilikom narušavanja javnog reda i mira u toku 2011. godine, u slučajevima kada se radilo o prekršajima, nije bilo teže povrijeđenih (u toku 2010. godine jedno), dok je lakše povrijeđeno 478 lica (22 ili 4,4% manje).

Potrebno je istaći da se od ukupnog broja prekršajnih sankcija koje su preduzele policijske stanice Centar i Stari Grad, 1738 ili 61,3% odnosi na prekršaje učinjene prosjačenjem, što je rezultat pojačanih aktivnosti službenika policije na suzbijanju ovog oblika narušavanja javnog reda i mira, koje je najizraženije na području užeg centra grada, posebno u vrijeme turističke sezone i vjerskih praznika.

U strukturi prekršaja zbog kojih su u toku 2011. godine podneseni prekršajni nalozi i zahtjevi za pokretanje prekršajnog postupka prevladavaju prekršaji činjeni prosjačenjem

(2501 ili 37,1% od ukupnog broja), tučama ili fizičkim napadima (1130 ili 16,8%), naročito drskim ponašanjem (974 ili 14,5%), te odbijanjem naređenja i omalovažavanjem policijskih službenika (506 ili 7,5%). Zbog prekršaja učinjenih svadom, vikom i nepristojnim ponašanjem podneseno je 185 naloga i zahtjeva, zbog paljenja petardi 16, neovlaštene upotrebe oružja jedan, a zbog ostalih prekršaja podneseno je 775 naloga i zahtjeva. Ostalih 646 prekršajnih sankcija preduzeto je u skladu sa odlukom općinskih vijeća.

Tabelarni pregled strukture prekršaja iz oblasti javnog reda i mira za koja su uručeni prekršajni nalози i podneseni zahtjevi za pokretanje prekršajnog postupka u toku 2011./2010.godine

STRUKTURA PREKRŠAJA	2011. godina	2010. godina	uporedba
<i>-Tuče i fizički napadi</i>	1130	1052	+78 ili 7,4%
<i>-Naročito drsko ponašanje</i>	974	983	-9 ili 0,9%
<i>-Odbijanje naređenja i omalov. služb. policije</i>	506	479	+27 ili 5,6%
<i>-Svađa, vika, nepristojno ponašanje</i>	185	194	-9 ili -4,6%
<i>-Neovlaštena upotreba oružja</i>	1	0	+1
<i>-Paljenje petardi</i>	16	34	-18 ili -52,9%
<i>-Prosjačenje</i>	2501	2522	-21 ili -0,8%
<i>-Ostali prekršaji iz Zakona o prekrš. protiv JRiM</i>	775	843	-68 ili -8,1%
Prekršaji prema Odluci OV o JRiM	646	735	-89 ili -12,1%
Ukupno	6734	6842	-108 ili -1,6%

U poređenju sa 2010. godinom, povećan je broj prekršajnih sankcija zbog prekršaja izvršenih tučom, odbijanjem naređenja i omalovažavanjem službenika policije, te zbog neovlaštene upotrebe oružja.

Prema mjestu izvršenja, a na osnovu broja uručenih naloga i podnesenih zahtjeva, najviše prekršaja učinjeno je na ulici i na drugim otvorenim prostorima (5599 ili 83,2% naloga i zahtjeva), a znatno manje u ugostiteljskim objektima (417 ili 6,2%), u vozilima javnog saobraćaja (64 ili 1%), u ili ispred škola (51 ili 0,8%), trgovinskim radnjama (26) i sportskim terenima (16). Zbog prekršaja izvršenih na ostalim mjestima (parkovi, prostor ispred prodavnica i drugi prostori na kojima se nedozvoljeno konzumira alkohol, vrši nedozvoljena prodaja i dr.), podnesen je 561 nalog i zahtjev.

Tabelarni pregled broja uručenih/podnesenih naloga i zahtjeva iz oblasti javnog reda i mira u toku 2011./2010. godine, prema mjestu izvršenja

MJESTO IZVRŠENJA	2011. godina	2010. godina	uporedba
Ulice i drugi otvoreni prostori	5599	5609	-10 ili -0,2%
Ugostiteljski objekti	417	387	+30 ili 7,8%
Sportski stadioni i dvorane	16	133	-117 ili -88%
Vozila javnog saobraćaja	64	42	+22 ili 52,4%
Škole (školska dvorišta)	51	57	-6 ili -10,5%
Trgovinske i zanatske radnje	26	52	-26 ili -50%
Ostala mjesta	561	562	-1 ili -0,2%
UKUPNO	6734	6842	-108 ili -1,6%

U toku 2011. godine, u poređenju sa 2010. godinom, povećan je broj prekršajnih sankcija zbog prekršaja kojima se narušava javni red i mir u vozilima javnog saobraćaja (za 52,4%) i u ugostiteljskim objektima (za 7,8%).

Zbog narušavanja javnog reda i mira u ili ispred škola, službenici policije podnijeli su 51 nalog i zahtjev (šest ili 10,5% manje), protiv 63 lica, među kojima je 35 maloljetnika, a zbog krivičnih djela izvršenih na ovom lokalitetu, podnesena su 43 službena izvještaja nadležnom tužilaštvu (sedam više u odnosu na 2010. godinu).

Službenici policije bili su angažovani na osiguranju brojnih javnih skupova koji su održani na području Kantona Sarajevo u toku 2011. godine (2043), s čim u vezi su preduzimate odgovarajuće aktivnosti na njihovom bezbjednom održavanju, a izvršeno je i 381 KDZ osiguranje ovih skupova (79 manje u odnosu na 2010. godinu). Uspješno su osiguravane kulturne, vjerske, zabavne, sportske i druge manifestacije, te protestni skupovi, tako da su u najvećem broju slučajeva javna okupljanja protekla bezbjedno i bez ozbiljnijih incidenata.

Izuzetak predstavlja događaj koji je doveo do narušavanja javnog reda i mira u većem obimu povodom održavanja međunarodne prijateljske nogometne utakmice između nogometnih klubova „Željezničar“ iz Sarajeva i „Hajduk“ iz Splita, dana 06.10.2011.godine na stadionu Grbavica i u ulicama koje vode prema njemu. Tom prilikom grupe navijača oba nogometna kluba su polomile dio zaštitne ograde na stadionu, cijepale navijačke transparente, zasipale protivničke navijače kamenicama i dr. kojom prilikom je jedan navijač Hajduka teže, a pet lakše povrijeđeno, a lakše su povrijeđena i tri navijača Željezničara. Oštećeno je osam vozila kojima su se prevozili navijači Hajduka, kao i nekoliko parkiranih vozila.

Službenici policije su odmah intervenisali i stanje stavili pod kontrolu. Prilikom intervencije, povrijeđena su dva službenika policije. Incidenti većih razmjera izbjegnuti su tako što su dvije veće grupe navijača Hajduka zadržane na prilazu gradu, te su, nakon što je utakmica otkazana, vraćeni u pravcu iz kojeg su došli, a bezbjedno su sa područja Kantona Sarajevo uz policijsku pratnju ispraćeni i autobusi i automobili sa navijačima Hajduka.

SIGURNOST SAOBRAĆAJA

U toku 2011 godine, stanje sigurnosti saobraćaja karakteriše povećanje ukupnog broja saobraćajnih nezgoda, broja nezgoda sa materijalnom štetom i sa nastradalim licima. Povećan je broj povrijeđenih, a smanjen broj poginulih lica.

Registrovana je 9.701-na saobraćajna nezgoda (102 ili 1,1 % više), 8.881 sa materijalnom štetom (70 ili 0,8 % više) i 820 sa nastradalim licima (32 ili 4,1 % više).

U naselju je registrovano 9.305 saobraćajnih nezgoda (24 sa poginulim, 731-na sa povrijeđenim licima i 8.550 sa materijalnom štetom), van naselja 396 nezgoda (jedna sa poginulim, 64 sa povrijeđenim licima i 331-na sa materijalnom štetom).

Registrovano je 1.566 saobraćajnih nezgoda na raskrsnicama u naselju, 71 na raskrsnicama van naselja, 13 na mostu, 10 na pješačkom prelazu, sedam na prelazu preko željezničke pruge, na nadvožnjaku, podvožnjaku i u tunelu – po jedna nezgoda i 8.031 –na saobraćajna nezgoda čije se karakteristike ubrajaju u kategoriju ostalih.

Usporedni pokazatelji stanja sigurnosti saobraćaja na području Kantona Sarajevo
u toku 2011/2010.godine

	2011	2010	+, -, %
UKUPNO SAOBRAĆAJNIH NEZGODA	9.701	9.599	+ 102 ili 1,1 %
Saobraćajne nezgode sa nastradalim licima	820	788	+ 32 ili 4,1 %
Saobraćajne nezgode sa materijalnom štetom	8.881	8.811	+ 70 ili 0,8 %
POGINULO LICA	27	31	- 4 ili 12,9 %
- vozači	7	14	- 7 ili 50 %
- putnici	8	9	- 1 ili 11,1 %
- pješaci	12	8	+ 4 ili 50 %
POVRIJEĐENO LICA	1.063	1.009	+ 54 ili 5,3 %
- vozači	449	416	+ 33 ili 7,9 %
- putnici	358	326	+ 32 ili 9,8 %
- pješaci	256	267	- 11 ili 4,1 %

U toku 2011. godine, u saobraćajnim nezgodama na području Kantona Sarajevo 1.090 lica je nastradalo (50 ili 4,8 % više). Dvadeset sedam lica je poginulo (četiri ili 12,9 % manje), dok su 1.063 lica povrijeđena (54 ili 5,3 % više), 151-no teže i 912 lakše. Od ukupno 27 poginulih lica, 12 je pješaka (četiri više), osam putnika (jedan manje) i sedam vozača (sedam manje).

Četiri lica su naknadno podlegla – dva vozača i dva pješaka.

Najkritičnije saobraćajnice za učesnike u saobraćaju bile su: Bulevar Meše Selimovića, gdje su četiri lica poginula (dva pješaka, jedan vozač i jedan putnik) i Alipašina gdje su dva lica poginula (pješak i vozač motocikla).

Od ukupno 1.063 povrijeđenih lica, 449 je vozača (33 više), putnika – 358 (32 više) i pješaka - 256 (11 manje).

Kada je u pitanju stepen povreda, 60 vozača je teže, a 389 lakše povrijeđeno. Dvadeset četiri putnika su teže, a 334 lakše povrijeđena, dok je 67 pješaka teže i 189 lakše povrijeđeno.

Broj nastradalih lica u saobraćajnim nezgodama po kategoriji učesnika u toku
2011/2010. godine

	POGINULI			TEŠKO POVRIJEĐENI			LAKŠE POVRIJEĐENI		
	2011	2010	+, -, %	2011	2010	+, -, %	2011	2010	+, -, %
VOZAČI	7	14	- 7 ili 50 %	60	53	+7 ili 13,2 %	389	363	+ 26 ili 9,9 %
PUTNICI	8	9	- 1 ili 11,1 %	24	40	- 16 ili 40 %	334	286	+ 48 ili 16,8 %
PJEŠACI	12	8	+ 4 ili 50 %	67	66	+ 1 ili 1,5 %	189	201	- 12 ili 6 %
UKUPNO	27	31	- 4 ili 12,9 %	151	159	- 8 ili 5 %	912	850	+ 62 ili 7,3 %

Najveći broj lica povrijeđenih u saobraćajnim nezgodama evidentiran je na području općina: Novi Grad (224) i Ilidža (212).

Starosna struktura lica povrijeđenih u saobraćajnim nezgodama je sljedeća: od 25 do 30 godina - 210 lica, od 31 do 40 godina –184 lica, od 21 do 24 godine – 153 lica, itd.

Posmatrano po kategorijama puta, najveći broj saobraćajnih nezgoda registrovan je u ulicama u naselju – 7.756 nezgoda gdje su 733 lica nastradala (21 lice poginulo i 712 lica povrijeđeno). Na magistralnim putevima registrovano je 1.169 saobraćajnih nezgoda u kojima je 206 lica nastradalo (dva lica poginula i 204 lica povrijeđena), na regionalnim putevima – 341-na nezgoda (52 lica povrijeđena), na lokalnim putevima – 224 nezgode sa 38 nastradalih (tri lica poginula i 35 lica povrijeđeno) i na putevima koji se ubrajaju u kategoriju ostalih – 211 saobraćajnih nezgoda sa 61-nim nastradalim licem (jedno lice poginulo i 60 lica povrijeđeno).

UZROCI SAOBRAĆAJNIH NEZGODA

Osim ostalih uzroka (8.087), koji su za posljedicu imali 13 poginulih i 562 povrijeđena lica, najčešći uzroci saobraćajnih nezgoda bili su: neprilagođena brzina – 1.359 saobraćajnih nezgoda (sedam lica poginulo i 374 povrijeđeno) i uticaj alkohola –249 (četiri lica poginula i 113 povrijeđeno). Uticaj opojnih droga izazvao je četiri saobraćajne nezgode u kojima su tri lica poginula a 14 povrijeđeno, dok je odron na putu izazvao dvije saobraćajne nezgode sa materijalnom štetom.

U sklopu redovnih aktivnosti, službenici policije su u toku 2011. godine, kontrolisali ukupno 269.519 vozila (2.493 više).

Zbog tehničke neispravnosti, iz saobraćaja su isključena 483 vozila (183 više), 5.649 vozača je zatečeno da upravljaju vozilom pod dejstvom alkohola (149 više), 11.915 bez korištenja sigurnosnog pojasa (220 manje), 2.375 bez položenog vozačkog ispita (347 više), a 2.578 vozača je učestvovalo u saobraćaju bez važeće registracije (212 više).

Zbog kršenja propisa iz oblasti sigurnosti saobraćaja uručeno je 155.417 prekršajnih naloga vozačima (2.134 više), podneseno 645 zahtjeva za pokretanje prekršajnog postupka (2.291 manje) i registrovana 84 krivična djela zbog ugrožavanja sigurnosti javnog prometa (16 više).

MIRUJUĆI SAOBRAĆAJ I KONTROLA PJEŠAKA

Tokom 2011. godine, pripadnici Uprave policije su uručili 31.529 prekršajnih naloga vozačima koji nisu poštivali saobraćajne propise prilikom parkiranja (3.296 manje u odnosu na isti period prošle godine), upozorili 5.322 vozača (150 više), a specijalnim vozilom „pauk“ premjestili 2.396 vozila (951 više). Zahtjeva za pokretanje prekršajnog postupka nije bilo.

Takođe, upozorena su 1.183 pješaka (77manje) a uručena.1.183 prekršajna naloga (2.013 manje). Zahtjeva za pokretanje prekršajnog postupka nije bilo.

ZAKONITOST U RADU

U toku 2011. godine, registrovano je 29 napada na službenu osobu u vršenju poslova sigurnosti (isto kao u uporednom periodu).

U napadima su učestvovala 33 punoljetna lica koja su lišena slobode kao i jedno nepoznato lice.

Službenici policije su tokom izvještajnog perioda 48 puta upotrijebili sredstva prinude (19 manje).

U toku 2011. godine, registrovano je 399 predstavki na rad službenika policije, od čega je za 129 predstavki data saglasnost za sprovođenje unutrašnjih istraga (34 manje), a za 270 predstavki, nakon razmatranja, donesen je zaključak da su neosnovane. Takođe, 21 predstavka je u toku.

Okončano je 136 unutrašnjih istraga, među kojima za 75 nije bilo dovoljno dokaza, u 27 slučajeva predstave su osnovane, u 26 slučajeva neosnovane, u šest slučajeva stranka je odustala od žalbe i u dva slučaja predstave su obustavljene.

Takođe, uz saglasnost Ureda za pritužbe javnosti MUP-a Kantona Sarajevo postupano je i po 320 raznih akata koji nisu imali karakter predstave.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U 2011. godini evidentirano je 119 krivičnih djela koja su regulisana Zakonom o nabavljanju, držanju i nošenju oružja i municije (29 više), počinjenih od strane 122 izvršioaca, od kojih je 46 lišeno slobode.

Od strane Policijskih uprava fizičkim licima izdato je 765 odobrenja za nabavku vatrenog oružja (130 ili 14,5% manje), 929 oružnih listova i izvršeno 306 zamjena oružnih listova za fizička lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: tri teška oružja, 33 puške, 97 pištolja, 132 noža i druga oštra predmeta, 19 ručnih bombi, 16 boksera, 2.111 kom. municije različitog kalibra, 3.328 petardi, 1,05 kg eksploziva, itd.

Takođe, u protekloj godini organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovali u realizaciji akcije "ŽETVA 2011" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji između ostalog prikupljeno je slijedeće naoružanje:

- ✓ ručne bombe – 156 komada,
- ✓ pištolji – 22 kom.,
- ✓ puške – tri kom.,
- ✓ mine, granate, trombloni i slično - 74 kom.,
- ✓ eksploziv – 500 grama,
- ✓ municija - 1.628 komada raznog kalibra, itd.

6. RAD POLICIJE U ZAJEDNICI

Službenici policije su tokom 2011. godine preduzimali brojne aktivnosti u sklopu Rada policije u zajednici (RPZ).

Organizovane su aktivnosti u cilju nastavka realizacije kampanje „Civilna hrabrost“ koja se provodi zajedno sa Ministarstvom obrazovanja i nauke Kantona Sarajevo i MUP-a KS u Osnovnim školama na području Kantona Sarajevo, a u cilju dostavljanja i distribuiranja promotivnog i edukacijskog materijala predstavnicima škola. Takođe,

ostvareni su kontakti sa članovima državnog tima za izradu i koordiniranje provođenja „Strategije za rad policije u zajednici u BiH“ MUP-a FBiH i MUP-a HNK/Ž sa ciljem sagledavanja nivoa implementacije na području Kantona Sarajevo i potrebe za dodatnim usaglašavanjima. Preduzimane su aktivnosti na realizaciji projekata “Zauzimanje javnih površina” i “Video-nadzor do veće sigurnosti građana u javnom gradskom saobraćaju”. Održana je javna tribina na temu „Lokalna rješenja za lokalne probleme“, na kojoj su osim predstavnika MUP-a Kantona Sarajevo, učestvovali i predstavnici policije St. Gallena iz Švicarske, UNDP-a, Fakulteta kriminalistike i kriminologije, kao i predstavnici općina i drugih institucija na lokalnom nivou sa područja Federacije. Održan je Didaktički kurs za buduće visoke instruktore za rukovođenje, u saradnji sa predstavnicima Švicarske agencije za razvoj i saradnju, sa kojima su održani sastanci na temu “Procjene rješenja problema u zajednici”. Nastavljena je saradnja sa predstavnicima UNDP-a u BiH u cilju provođenja priprema na preuzimanju projekta Rad policije u zajednici u BiH od strane UNDP-a, te izvršena analiza izvještaja o provođenju RPZ u policijskim upravama MUP-a Kantona Sarajevo.

U saradnji sa Švicarskom agencijom za razvoj i saradnju u sjedištu Ministarstva unutrašnjih poslova Kantona Sarajevo održana je radionica na temu “Probna policijska stanica” MUP-a KS, te dogovorene aktivnosti za naredni period u cilju realizacije projekta “Probna policijska stanica”.

Obavljena je posjeta Savezu općina i gradova FBiH, sa ciljem prikupljanja materijala o povezivanju lokalnih zajednica u rješavanju problema, ostvarena saradnja sa Sportskim savezom Kantona Sarajevo u cilju organizacije manifestacije „Trka Vivicita“ provedene su aktivnosti na realizaciji kampanje „Jači, Brži, Bolji“ u kojima su između ostalih učestvovali učenici i nastavnici osnovnih i srednjih škola.

Službenici policije su u sklopu šireg programa „Rad policije u zajednici“ bili angažovani na realizaciji manifestacije Kid's festival koji je održan u periodu od 10. do 14.juna 2011. godine u Sarajevu, s čim u vezi su ostvarivani kontakti sa partnerskim institucijama i nevladinim organizacijama u cilju pripremanja materijalne podrške u sudjelovanju na ovoj manifestaciji, utvrđen je plan aktivnosti MUP-a KS, distribuirani plakati u cilju obavještavanja osnovnih škola o održavanju Kid's festivala i preduzimane druge aktivnosti kako bi festival protekao u najboljem redu. Kao dio aktivnosti rada policije u zajednici službenici policije su iskoristili ovu priliku za druženje sa djecom, za predstavljanje svoga rada i edukaciju djece o sigurnosti u saobraćaju i drugim pitanjima iz oblasti svoga rada, kao i za obuku iz jednostavnijih vještina samodbrane.

Sarajevo 10.01.2012. godine

**Odsjek za odnose s javnošću
MUP-a Kantona Sarajevo**